

HLB@SCHOOL

classroom
adventures...
EXPLORE • ENGAGE • EMPOWER

MEI 2024
EDISI 3





KAD KREDIT ATAU KAD DEBIT

APA CARANYA UNTUK MEMBUAT PILIHAN?

MULA ▶

Adakah anda sudah bersedia untuk mula menguruskan kewangan seperti seorang pro? Ayuh kita mendalami dunia kad debit dan kredit untuk memahami fungsi dan bagaimana untuk membuat pilihan yang bijak.

PERBEZAAN ANTARA KAD DEBIT DAN KREDIT:

Kad debit merupakan alat penghubung kepada akaun bank anda. Apabila anda menggunakan kad debit untuk pembelian, wang akan ditolak secara terus dari akaun bank. Anda boleh menggunakan kad debit untuk membeli barangan tanpa perlu bersusah-payah ke bank untuk mengeluarkan wang tunai.

Fungsi kad kredit seperti meminjam wang dari bank. Apabila menggunakan kad kredit, anda sebenarnya meminjam wang yang perlu dibayar kemudian hari. Ia merupakan alat yang berguna untuk membuat pembelian semasa dan dibayar pada waktu kemudian, namun anda perlu ingat untuk membayar apa yang telah dipinjam!

BAGAIMANA IA BERFUNGSI?

Bayangkan anda berada di kedai bersama rakan-rakan anda, dan anda menjumpai konsol permainan video yang diimpikan. Jika menggunakan kad debit, wang yang digunakan datang secara terus dari akaun bank, seolah-olah menggunakan wang tunai. Namun, jika menggunakan kad kredit, anda boleh membeli konsol permainan video tersebut dan membayarnya apabila anda mendapat wang saku atau wang yang anda dapat dari melakukan pekerjaan rumah.



KAD DEBIT VS KAD KREDIT

KELEBIHAN

- ✔ Membantu anda dalam menguruskan perbelanjaan.
- ✔ Tidak perlu membawa wang tunai.
- ✔ Mudah digunakan.

KEKURANGAN

- ✖ Tiada pilihan pinjaman wang.
- ✖ Tidak membantu membina skor kredit anda.

KELEBIHAN

- ✔ Boleh digunakan untuk membuat pembelian yang besar.
- ✔ Membina skor kredit yang baik apabila pembayaran semula dilakukan tepat pada masa, yang dapat membantu dalam proses pinjaman wang dan pembelian rumah.

KEKURANGAN

- ✖ Pengumpulan hutang.
- ✖ Kadar faedah yang tinggi.
- ✖ Yuran seperti yuran tahunan, yuran lewat pembayaran dan yuran wang pendahuluan.

Adakah anda mencari kad debit yang dicipta khas untuk kanak-kanak? Mari terokai Kad Debit Junior 3 dalam 1 HLB dari Hong Leong Bank! Ianya direka khas untuk anda, dengan fungsi yang menyeronokkan dan memudahkan pengurusan wang. Dengan kad ini, anda boleh menyimpan, berbelanja, dan mendapat ganjaran dalam masa yang sama!

Ingat, sama ada anda memilih kad debit atau kad kredit, perkara yang paling penting adalah menggunakannya dengan bijak. Dengan memahami bagaimana ia berfungsi, anda boleh membuat pilihan yang bijak dalam penggunaan wang. Jadi, tunggu apa lagi, terokai dunia kad debit dan kredit, dan mula menguruskan wang anda seperti seorang pro!

